



Kedando cla..



A cuminsa pone klinker den caya grandi

Proyecto a cuminsa bira mas positivo y ta dunando comerciantenan speransa pa un miho caya grandi

ORANJESTAD — Despues di un periodo largo di renovacion den caya grandi, finalmente a cuminsa mira un desaroyo nobo. E di tres fase di e proyecto di caya grandi practicamente ta yegando na su final. E parti di embeyecemento a tuma luga, unda cu a pone e matanan di decoracion caba y na mes momento a cuminsa traha riba e sistema di coriente bou di tera.

CAYA NOBO

Despues di algun siman di trabou y preparacion, a cuminsa mira un cambio mas grandi den caya grandi. Awor por papia di un caya nobo, cu infraestructura nobo y un caya embeyece.

E ponemento di klinker ta duna e impresion cu e proyecto ta yegando na su final. Aunke ainda tin hopi mas trabou pa haci, e fase aki ta duna e

comerciantenan e tranquilidad, cu clientenan por yega mas cerca den caya grandi.

PREOCUPACION

Pa hopi dia comerciantenan tabata preocupa cu e situacion aki. Nan a sinti cu nan negoshi a keda afecta. Otro comerciantenan a opta pa cuminsa drecha nan fachada pa na momento cu e proyecto di renovacion keda cla, nan por ricibi nan clientenan den un ambiente completamente nobo.

POSITIVISMO

Hopi comerciante a indica cu nan ta contento cu e proyecto aki ta yegando na su fase final.

E klinker nan ta muestra cu pa December, manera gobierno a priminti, tur hende por bishita caya grandi y haci nan compra den tur tranquilidad. Berdad e proyecto a dura hopi y e molester nan tabata grandi pa comercio, pero awor practicamente tur e problemanan aki ta tras di lomba.

E ponemento di klinker a duna e comerciantenan un aliento di positivismo.

FINALISA FASE TRES

Dia 15 di december ta e fecha cu gobierno a pone pa e fase aki keda termina. Riba e fecha menciona comunidad por drenta caya grandi y compra nan productonan den tur tranquilidad.



Miho bista di e parti mei mei di caya grandi, unda cu trabou ta avansando.



Un bista pa comienso di Caya Grandi ta muestra con klinkernan rond di e rails a keda.



Un otro negoshi, Penha ta preparando pa keda cla. Mata di coco, klinkers y mas ta parti di e remodelacion dilanti di e edificio.



Bista dilanti di e negoshi Mango, con trahadonan ta preparando pa pone klinkers dilanti e lugar.

Sin molester di stof, sin bu-raco y cu un infraestructura completamente nobo, moderno y cu un ambiente positivo pa futuro.

Dia 21 di December e tram ta haci su prome careda no

oficial. cu esaki comerciantenan a cuminsa mira e luz di positivismo pa un caya grandi completamente nobo y cla pa enfrenta e retonan pa futuro.

E desaroyo aki ta hopi positivo pa comercio di caya grandi. □